



ბრძანება № 6/9

ქ.თბილისი

„01 „ მაისი 2015წ

საქართველოს კომუნიკაციების ეროვნულ კომისიაში დაცული ვადამოსული
პერსონალური მონაცემების განადგურების ვადების განსაზღვრისა და განადგურების ჯგუფის
შექმნის შესახებ


„პერსონალურ მონაცემთა დაცვის შესახებ“ საქართველოს კანონის მე-4 მუხლის ე) ქვეპუნქტის
და მე-14 მუხლის მე-2 პუნქტის, საქართველოს კომუნიკაციების ეროვნული კომისიის
(შემდგომში „კომისია“) თავმჯდომარის მიერ დამტკიცებული კომისიის აპარატის საქმეთა
ნომენკლატურის შესაბამისად,

ვბრძანებ:

1. „პერსონალურ მონაცემთა დაცვის შესახებ“ საქართველოს კანონის მე-14 მუხლის
შესაბამისად კომისიის ადმინისტრაციულ შენობაში შესულ და გასულ პირთა (ვიზიტორები)
აღრიცხვის ჟურნალში შეტანილი, ან ცალკე საშვების სახით შეგროვილი ვადამოსული, 2
წელსა და 11 თვეზე მეტი ხნის ჩანაწერის შემცველი პერსონალური მონაცემები განადგურდეს
ყოველი თვის პირველ სამუშაო კვირას;
2. „პერსონალურ მონაცემთა დაცვის შესახებ“ საქართველოს კანონის მე-14 მუხლის
შესაბამისად კომისიის ადმინისტრაციულ შენობაში შესულ და გასულ პირთა (ვიზიტორები)
აღრიცხვის ელექტრონულ რეესტრში შეტანილი ვადამოსული, 3 წლის ხნოვანების ჩანაწერის
შემცველი პერსონალური მონაცემები წაიშალოს ყოველ სამუშაო დღეს;
3. კომისიის ადმინისტრაციულ შენობაში შესულ და გასულ კომისიის აპარატში დასაქმებულ
პირთა აღრიცხვის ელექტრონულ რეესტრს პროგრამულად დაემატოს „პერსონალურ
მონაცემთა დაცვის შესახებ“ საქართველოს კანონის მე-14 მუხლის შესაბამისად ვადამოსული, 3
წლის ხნოვანების ჩანაწერის შემცველი პერსონალური მონაცემების ავტომატურად წაშლის
ფუნქცია, ყოველდღიური სიზუსტით;
4. წაიშალოს შრომითი ხელშეკრულების შეწყვეტის შემდგომ, ყოფილ დასაქმებულთა კომისიის
ადმინისტრაციულ შენობაში შესვლა-გასვლის ელექტრონულად აღრიცხული პერსონალური
მონაცემები სახელშეკრულებო ურთიერთობის შეწყვეტიდან 1 თვის გასვლის შემდეგ, 5
სამუშაო დღეში, თუ არ არის წარმოშობილი შრომითი დავა;
5. განადგურდეს საქართველოს კომუნიკაციების ეროვნულ კომისიაში დაცული, კომისიის
თავმჯდომარის მიერ დამტკიცებული კომისიის აპარატის საქმეთა ნომენკლატურის
შესაბამისად ვადამოსული (2 წლის ხნოვანების) ელექტრონული საკომუნიკაციო
მომსახურების მიმწოდებელი კომპანიების მიერ წარმოდგენილი სატელეფონო ტრაფიკის

- (გამავალი, შემავალი და შიდა ზარები) ამსახველი CDR-ები ყოველი თვის პირველი სამუშაო კვირის განმავლობაში და შედგეს CDR-ების განადგურების აქტი;
6. შეიქმნას ვადამოსული პერსონალური მონაცემების განადგურების ჯგუფი შემდეგი შემადგენლობით:
- ა) კომისიის წევრი მერაბ ქათამაძე (თავმჯდომარე);
 - ბ) კომისიის აპარატის ადმინისტრაციული დეპარტამენტის უფროს იოსებ ხარებავა;
 - გ) კომისიის აპარატის ადმინისტრაციული დეპარტამენტის მთავარი სპეციალისტი ნათელა ჯანელიძე (მდივანი);
 - დ) კომისიის აპარატის სამართლებრივი დეპარტამენტის მთავარი სპეციალისტი ეკატერინე ჭახრაკია;
 - ე) კომისიის აპარატის ადმინისტრაციული დეპარტამენტის წამყვანი სპეციალისტი გუგული კვანტალიანი;
 - ვ) კომისიის აპარატის ადმინისტრაციული დეპარტამენტის წამყვანი სპეციალისტი ალექსი ყანჩაველი.
7. ბრძანება ძალაში შედის ხელმოწერისთანავე;
8. ბრძანება შეიძლება გასაჩივრდეს ქ. თბილისის საქალაქო სასამართლოს ადმინისტრაციულ საქმეთა კოლეგიაში (ქ.თბილისი, დ.აღმაშენებლის ხეივანი, მე-12 კმ., №6) ერთი თვის ვადაში;
9. დაევალოს კომისიის აპარატის ადმინისტრაციულ დეპარტამენტს (ი. ხარებავა) კონტროლი ბრძანების შესრულებაზე.

კომისიის თავმჯდომარე



ვახტანგ აბაშიძე

